

Cietbauqva Hozmuz Cin Yienh Yungzsuij:

Hangh Hozdung Fungsug Minzczuz Conzdungj Ceiq Hwng Hoengh Ndeu

融水和睦镇花炮节: 热烈隆重的传统民俗活动

□ Cinz Denhyangz ingj Sinhyungz hoiz



▲ Ram nyzmbwk nyzsai, bae youzgai dem nauh.

Moix bi liggaeuq ndwenseiq ngeihseiq, Yungzsuij Myauzczuz Swciyen Hozmuz Cin cungj banh aen cietbauqva gig hoengghwd ndeu, baenz bak boux bouxcoz bouxcangq sai lohgenz bae buek ciengj sam aen bauqva raek miz gij eiqsei fuk luk gyaeu angq, dang' hak fatcaiz, lwglan baenzbang haenx, vanzlij banh miz gij hozdung vwnzyi biujyienj caeuq dijjuz doxdax lai cungj lai yiengh haenx dem, nauhyied youh ndeyawj, yinx baenz geij fanh vunz dangdieg Yungzsuij caeuq bouxhek Liujcwngz, Yungzanh, Lozcwngz doenghgiy yienh henzgyawj neix nem mbanj hekyouz ndaw guek rog guek bae humx yawj, gwnz haw iq vunz lai vunz daih, nauhyied dangqmaz.

Gij goekgaen cietbauqva Hozmuz Cin caeuq gij cietbauqva diegwnq mbouj doxdongz, cietbauqva aen cin neix dwg laeb daej geiqniemh Maj Yenz boux fuzboh ciengginh ciuh Dunghhan neix. Riuznaeuz, seiz Gvanguvuj dang vuengzdaeq Dunghhan, Maj

Yenz bae hoenx fanjlueh baihnanz seiz, mboujguen bae daengz gizlawz, cungj youq gizde laebguh sengjyienh, ceihleix saeh singzmbanj, hai mieng dwkraemx, soncienz gij gisuz ndaemganq senhcin dieg Cunghyenz, hawj gizdieg fwzaengx gungzndoq henzguek baihnanz neix saedceij ndaej gaijnde, vunz lai dangdieg vih geiqniemh gij goenglauz hung gouq guek gouq minz Maj Yenz, couh youq liggaeuq ndwenseiq ngeihseiq (riuznaeuz dwg ngoenzseng Maj Yenz) angq gvaq cietbauqva, itcig cienz daengz seizneix.

Ngoenzciet, Hozmuz Cin banh miz lai cungj lai yiengh hozdung. Gaihmusi hai sat le, daengx gyoengqvunz bae youzbyaij, doih foux saeceij, doih ram siengq Maj Yenz, doih gyaeubauqva doenghgiy doih doxdax, doih biujyienj neix foedfoed nanganhang byaij gvaq fownzgai, vunz lai caenx youq song henz gai humx yawj ndaetfwd, sing bauqrengh sing hemq sing riu



▲ Hoihciengz vunz caen lai, henz gai vunz ndaet raeuh.



▲ Boq venz youh caijdangz, raeuz angqyangz diuq foux.

◀ Doxcaenx ciengj "gengxbauq", gyoengq mbauq cungj caenhrengz.



▲ Aengengx youq gwnz fwngz, yaek hingz caen mbouj heih.



▲ Caeuq "mangzhauh" ingj siengq, caemh siengj fuk hwnj ndang.



▲ Couh deq diemj bauqva, daihgya caez bae ciengj.



▲ Foux lungz dem angqyangz, beixnangz yienj bonisaek.



▲ Buek ciengj vunz hanh lae, mbiengj hingz caez angq hoh.



▲ Ruzhawq hwnj gai youz, hawj vunzraeuz soengq angq.